



UNIVERSITÄTS-
BIBLIOTHEK
PADERBORN

Universitätsbibliothek Paderborn

Corpus Doctrinae Christianae

Melanchthon, Philipp

Lipsiae, 1572

VD16 M 2890

De Doctrina.

urn:nbn:de:hbz:466:1-36094

MULTI enim terti errores, & multi abusus adeo man-
 festi sunt, vt facillime agnosci & iudicari ab omnibus, communi sen-
 su predictis, possint. In talibus cum regulæ seruandæ sint, Non habe-
 mus Deos alienos. Item, Blasphemia spiritus non remittitur: Item,
 si quis aliud Euangelium docet, anathema sit: necesse est nos dissen-
 sere ab ijs, qui mendacia & idola stabiliunt, & sonare nostram con-
 fessionem: qua in re & intra iustas metas mansimus. Fideliter vni-
 uersam Ecclesiæ doctrinam, inquisitis fontibus, tradidimus, & tan-
 tum docendo eam propagauimus. Non fuimus tubæ seditionum, imo
 scriptis Lutheri, magis illustrata & ornata est politica potestas,
 quam vllis scriptis aliorum post Apostolos. Vt autem antea
 in multis scriptis, sine vlla ambiguitate simpliciter recitauimus, do-
 ctrinam & ceremonias Ecclesiarum nostrarum: ita & nunc eandem
 commemorationem, sine ambiguitate & sine corruptelis exhibemus:
 in qua satis conspiciunt omnes vere iudicantes hoc tempore, & ad
 posterum, nos fideliter retinere consensum Ecclesiæ catholicæ Domi-
 ni nostri Iesu Christi, & illustrare doctrinam necessariam ad agnitio-
 nem filij Dei, & ad salutem hominum, & non mouere curiosas aut in-
 utiles quaestiones. Et offerimus nos ad piam declarationem, in qua-
 cuoque parte flagitabitur.

DE DOCTRINA.

Certissimum sit, Deam sibi in genere humano, propter fili-
 um & per eum, colligere aeternam Ecclesiam voce doctrinæ, quæ
 scripta est in libris Prophetarum & Apostolorum: affirmamus clare
 coram Deo & vniuersa Ecclesia in cælo & in terra, nos vera fide am-
 plecti omnia scripta Prophetarum & Apostolorum: & quidem in
 hac ipsa natiua sententia, quæ expressa est in Symbolis, Apostolico,
 Nicæno & Athanasiano. Et hæc ipsa Symbola, & eorum na-
 tiuam sententiam sine corruptelis semper constanter amplexi su-
 mus, & Deo iuuante, perpetuo amplectemur. Et in hac fide verum
 Deum, qui se patrefecit in Ecclesia sua misso filio, & additis illustri-
 bus testimonijs inuocamus, coniuncta precatione nostra cum omni-
 bus sanctis in cælo & in terra.

Et extant nostræ enarrationes
 in Symbola, comprehendentes totum doctrinæ corpus & fundamen-
 tum, quæ ostendunt hanc nostram asseuerationem verissimam esse.

DAMNVS etiam constantissime omnes furores, qui pu-
 gnant cum Symbolis: vt sunt Ethnicorum, Iudæorum, Mahometista-
 rum, Marcionis, Nanichæorum, Samosatani, Serueti, Arrij, Pneu-
 mato-machorum portentosæ opiniones, & aliæ, condemnatæ veris
 Ecclesiæ iudicijs.



CUM autem controuersæ, quæ exortæ sunt, præcipue pertineant ad duos articulos Symboli, videlicet, ad articulum, Credo in Remissionem Peccatorum: Item, Credo in Ecclesiam Sanctam Catholicam: Ostendamus hæc hærum controuersarum, quibus consideratis, intelligi poterint, suas declarationes ipsam Euangelij vocem esse, & ab aduersarij ruptelas in Ecclesia sparsas esse. Ac primum de articulo:

CREDO REMISSIONEM
PECCATORVM.

Hic multæ & magnæ corruptelæ affinguntur ab aduersarij. Credo imo dubito, inquiunt: Item, Tunc credam, cum satis habeo meritum. Item, non dicunt, Credo remissionem propter filium certo dari gratis, non propter nostra vlla merita, aut vllam dignitatem nostram: Item, non recte enarrant peccatum, & fingunt hominem legi Dei satisfacere posse, & legis impletione iustum esse coram Deo in hac vita. Ideo primum de peccato, & de causa peccati, fideliter tenemus doctrinam veræ Ecclesiæ Dei.

Cum essentia diuina vnica, æternus Pater, coæternus Filius imago Patris, & conuersus Spiritus sanctus, à Patre & Filio procedens, immensæ sapientiæ, potentia, bonitatis, verax, iusta, benefica, casta, liberrima, sicut ipse describit sese in lege sua: & condiderit Angelos & homines suam lucem, sapientiam, & bonitatem in omni æternitate eis communicaret, & essent templa Dei, in quibus Deus habitaret, ut esset Deus omnia in omnibus, ut Paulus loquitur: condidit initio eos bonos iustos, id est, congruentes cum mente & voluntate diuina, & patres ipsi: ac dona attribuit, videlicet illustrem noticiam de Deo, & voluntate eius, & intelligerent se conditos esse à Deo, & ad obedientiam ipsi præstandam: attribuit & libertatem voluntatis, ut non essent: & reuera voluit obedientiam, sicut scriptum est. Psalm. 82. Deus volens iniquitatem tu es. Sed diaboli & homines libertate voluntatis abusi, defecerunt à Deo, & hac inobedientia facti sunt iræ Dei, & amiserunt rectitudinem, in qua conditi erant.

Itaque libera voluntas in diabolis & hominibus non fuit eius lapsus, non voluntas Dei, qui nec vult peccatum, nec approbat, nec adiuuat, sicut scriptum est: Cum mendacium loquitur diabolus, ex proprio loquitur, & pater est mendacij. Et i. Iohan. 8. Qui facit peccatum ex diabolo est, quia ab initio diabolus peccat.

Est autem peccatum, quicquid est contrarium iusticiæ, quæ est ordo in mente diuina, quem & postea sua voce in Legge & Euangelio expressit: siue sit inobedientia originalis, siue actualis, propter quam & rea est persona iræ Dei, & damnatur æterna